

venſi Pontifice omnes Cambrorum ſive Wallorum Epifcopi, tamquam à ſuo Metropolitā, conſecrationem acciperent. Habuit autem, ſi Hovedeno credimus, Carleonenſis Metropolita, hoſce ſuffraganeos Epifcopos, Landavenſem, Bangorenſem, Aſſavenſem, Wigornienſem, Herefordenſem, Ceſtrenſem & Paternenſem. Sed Hovedeno haud aſſentiuntur plerique Britannici ſcriptores, qui aliquibus ex his omiſſis, alios ei ſubjiciunt. Quidquid ſit, omnes Carleonam Metropolim Eccleſiaſticam fuiſſe ajunt: unde nec huic id honoris concedere moramur, licet, ut verum fateamur, apud neminem ex authoribus, qui ſex primis ſæculis vixerunt, pro Metropoli Eccleſiaſtica, quod viderimus, habeatur. Obiit autem Dubritius ille anno ſalutis 522. prius in locum ſuum, ut diximus, ordinato Davide magni Arthuri avunculo ſanctitate & religione conſpicuo, à quo & hæc ſedes ſancti Davidis nomen conſecuta eſt.

Hæc de Britannia Metropolitibus Eccleſiaſticis. Quæ verò his ſubjectæ fuerint ſedes Epifcopales, penè unus ex antiquis refert venerabilis Beda; & nos cum eo, ut plurimum, recenſebimus. Quod ſi eas per Provincias digeſtas non dederimus, ne mireris: quandoquidem plures nunc ſub una, nunc ſub altera Metropoli pro temporum varietate iſtis Metropolitibus mutatis conſtituant Britannici ſcriptores. Quis autem cujuſque ſitus ſit, in tabula Geographica videbitur.

NOTITIA ANTIQUIORUM EPISCOPATUUM MAGNÆ BRITANNIÆ.

LONDINUM Amm. Marcell. lib. 27. apud quem etiam Auguſta dicitur, vulgò *London*. Reſtitutus hujus Epifcopus ſubſcripſit Concilio Arelatenſi primo, & *Mellitus* apud Bedam legitur lib. 2. cap. 3.

DOROVERNUM, ſeu Darvernum Ptol. lib. 2. cap. 3. Latinis Cantuaria, vulgò *Canterbury*. *Auguſtinus* primus Cantuarienſis Epifcopus dicitur Bedæ lib. 1. cap. 29.

EBORACUM Ptolemæo ibidem, vulgò *York*. *Paulinus* primus Eboracenſis Eccleſiæ Epifcopus dicitur apud eundem Bedam lib. 2. cap. 19.

CARLEONA, quæ & Legio ſecunda Auguſta Ptolem. Britonibus *Carlegion* appellabatur ex Beda lib. 2. cap. 2. *Dubritium* hujus Epifcopum & Metropolitam fuiſſe Arthuri magni tempore teſtantur celebriores hiſtoriæ Britannicæ ſcriptores.

MENEVIA Walliæ oppidum & monaſterium in Demetia (quam hodie *Suthwalliam* vocant) ad angulum Britannia ſupra Hibernicum mare, vulgò *S. Davies*. Sanctum *Davidem* ex Abbate Menevenſem Epifcopum factum fuiſſe tradunt hiſtoriæ Britanniarum, à quo civitas *S. Davidis* appellata eſt.

LANDAVA, vulgò *Landaff*. Civitas Epifcopalis, cujus Epifcopus *Dubritius* à SS. Germano & Luppō Gallis Epifcopis ordinatus in Britanniarum hiſtoriis dicitur, qui hinc ſedem primum Carleonam, & poſtea Meneviam tranſtulit.

COLONIA Antonino, Camdeno *Colcheſter* vulgò dicitur. *Adelphium*, qui

X 2

NOTÆ LUCE HOLSTENII.

¹ *Colonia Ant. Cambdeno Colcheſter*] Colonia Camalodunum vocabatur, ut eruditè docet Cambdenus, qui cam non *Colcheſter*, ſed *Maddon* nunc dici oſtendit; ut & Seldenus in *Notis ad Eutyrium Alexandr.* pag. 119. ubi rectè conjicit in ſubſcript. Arelatenſis Concilii pro *Colonia Londinenſium*, legendum *Colonia Camalodunenſium*. Hoc enim veriſſimum eſt.